



Disputatio juridica inauguralis de nuptiis

<https://hdl.handle.net/1874/340712>

DISPUTATIO JURIDICA
INAUGURALIS,
DE

NUPTIIS,

QUAM,
FAVENTE DEO TER. OPT. MAX.

Ex auctoritate Magnifici Rectoris,

D. JOHANNIS van MUYDEN,

J. U. D. ejusdemque Facultatis in inlytâ Academiâ Ultrajectinâ
Professoris Ordinarii,

NEC NON

*Amplissimi Senatus Academici consensu, Nobilissimæque
Facultatis JURIDICÆ Decreto,*

PRO GRADU DOCTORATUS,

Summisque in UTROQUE JURE honoribus & Privilegiis
ritè, ac legitime consequendis,

Eruditorum Examine subijcit

REGNERUS à WESTRHENEN, AMERSFURTENSIS.

Ad diem 28. Januarii horis locoque solitis.



TRAJECTI ad RHENUM,

Ex Officina FRANCISCI HALMA, Academiae
Typographi, clō Ibc LXXXVIII.

Nobili ac Generoso VIRO,

D. D. DANIELI
VANDEN BERGH,
Jur. Utr. Doctori, & Advoca-
tato summæ Curiaë Ultrajec-
tensis expertissimo cognato
meo plurimum honorando.

*Hanc Disputationem Inauguralem, seque
ipsum in observantiæ signum*

Dedicat ac consecrat

REGNERUS à WESTRHENEN,

Autor.




DISPUTATIO JURIDICA

INAUGURALIS,

DE

NUPTIIS.

THESIS I.



Pro ingenii tenuitate aggressuri materiam de Nuptiis præambuli loco aliquid præmittimus de sponsalibus, quoniam sunt mentio & repositio futurarum nuptiarum.

l. 1. ff. de spons.

II.

Olim sponsalia fiebant adjectâ stipulatione

A 2

l. 2.

4 DISPUTATIO JURIDICA

l. 2. ff. eod. tit. jam vero nudo consensu l. 4. ff. eod. tit.

I I I.

Jure Canonico sponsalia sunt duorum generum vel de presenti vel de futuro, jure autem civili omnia sunt de futuro, ut & moribus.

I V.

Cum in contrahendis sponsalibus septennium sit definitum *l. 14. ff. de Sponsalibus* Q. malitia ætatem suppleat an etiam ante septimum annum contrahi possint? & non posse verius existimamus. *Fachin. Contr. lib. 3. Cap. 26.* ratio est, quia leges requirunt septennium nec ante existimant quenquam intelligere quid agat.

V.

Sponsalia possunt contrahi etiam inter absentes, per epistolas, per nuncium, per se & per alium, & sub conditione, adhibitâ vel
omis-

INAUGURALIS. 5

omissâ scripturâ l. 7. & ult. ff. de spons.

V I.

Controversum est inter juris interpretes an sponsam sponsus de adulterio jure mariti accusare possit? negativa magis placet.

V I I.

Sponsalia possunt dissolvi altero invito etiam & matrimonio cum alio subsequente.

V I I I.

Jam vero sponsalibus peractis ad nuptias transeamus, nuptiæ sunt viri & mulieris conjunctio, individuum vitæ consuetudinem continens §. 1. *Inst. de patr. pot.* intelligitur autem conjunctio animorum potius quam corporum quia nuptias non concubitus sed consensus facit l. 30. ff. de Reg. Jur.

6 DISPUTATIO JURIDICA

I X.

Ad justas nuptias requiritur ut contrahentes sint Cives Romani, ut habeant legitimam ætatem, masculi quatuordecim annorum, fœminæ duodecim, ut adsit ipsorum contrahentium consensus, & parentum in quorum sunt potestate in *prin. Inst. de nuptiis & l. 2. ff. de rit. nupt.*

X.

Jure quidem Romano soli Cives Romani justas nuptias contrahebant, hodie autem peregrini & servi etiam singuli homines recte contrahunt.

X I.

Nuptiæ quoad formam sunt juris civilis, quoad originem naturalis.

XII. In

XII.

Injustæ Nuptiæ sunt, quæ contra legum præcepta contrahuntur.

XIII.

Consensus parentum non requiritur de honestate, sed Jure Civili de necessitate; ita ut præcedere debeat *in princ. Inst. de nupt.* quod & affirmant *Bronckh. cent. 3. assert. 1. Hottom. Illust. Quest. 9.*

XIV.

Et filius vel filia minorennis contrahens sine consensu parentum potest exheredari. *Bronckh. cent. 3. assert. 2.*

XV.

Si pater ab initio noluerit consentire & interiam

DISPUTATIO JURIDICA

terim postea matrimonium ratum habuerit queritur, an illud retrahitur tanquam ab initio justum? contrarium sustinemus & illâ ratihabitione matrimonium non retrahi, quia consensus parentum præcedere debet ut supra dictum §. 1. *Inst. de patr. pot.* & l. 2. *ff. de ritu nupt.* confirmari tamen ratihabitione certissimi juris est.

XVI.

Matrimonium justo metu contractum non valet, sed est ipso jure nullum, nihil enim consensui magis adversatur quam metus l. 116. *ff. de Reg. Jur.*

XVII.

In matrimonio errore contracto aut est error substantialis, & vitiat matrimonium ut putans ducere Corneliam, duxit Annam quia in matrimonio principaliter de personâ agitur, aut est accidentalis ut putans ducere divitem, duxit pauperem & non vitiat matrimonium. *Math. & Wesemb. ad ff. lib. 23. tit. 2. nu. 8.*

XVIII. Cum

X V I I I.

Cum error maxime matrimonia violet. Q. si quis vitiatam duxerit pro virgine ad consummandum matrimonium cogi possit? nos affirmativæ utpote veriori subscribimus. Bronkhorst *cent. 3. assert. 3.* hanc sententiam Wesemb. pulchre confirmat. *ff. hoc tit. num. 8.*

X I X.

Omnes possunt contrahere matrimonium qui non naturâ aut lege, prohibentur naturâ furiosi licet furor superveniens non vitiet præcedentes nuptias *l. 16. §. 2. ff. de ritu nupt.* nec subsistunt nuptiæ inter eos qui parentum liberorumve loco nobis sunt. *§. 1. Inst. de nuptiis,* inter hos enim ipsâ ratione naturali dictitante committitur incestus, neque enim subsistere possunt matrimonia inter illos qui à latere veniunt ut inter cognatos & affines usque ad quartum gradum exclusive *§. 3. Inst. de nupt.*

X X.

A. & B. frater & soror sunt matrimonio juncti cum C. & D. postea moriuntur superscripti A. & B. jam Q. an C. & D. licitum sit post mortem præscriptorum A. & B. inter se matrimonium contrahere? Stricto jure affirmamus C. & D. matrimonium posse inire per *Nic. Ever. in cons. 51. post text. ibid. allegat. Wesemb. in paratit. ff. ad tit. de grad. & affinib. num. 17.* & ratio est, quia affinis uxoris meæ non est meus affinis vel affinis mariti non est affinis uxoris.

X X I.

Postremo quæstionis est an adulterio dissolvatur matrimonium? & illud affirmamus non tantum quo ad separationem thori sed etiam quoad vinculum matrimonii *Wesemb. de divort. nu. 11. deportatione vero non dissolvitur pr. Nov. 22. Cap. 13.*



COROLLARIA.

I.

Mandans vulneris tenetur de cade sub-
secuta.

II.

*An in judicando aequitatem an vero jus
strictum sequi debeamus? prius affirm.*

III.

*Furtum sine affectu furandi non commit-
titur.*

Ve-

I V.

*Venditor præcise rem tradere non tenetur,
sed liberatur præstando id quod interest.*

V.

Non dantur actiones suâ naturâ mixtæ.

F I N I S.

